

Qaffasinnerusumik ilinniagaqartunut ilinniagaqarnermi taarsigassarsiat kiisalu ataasiartumik taarsigassarsiat aningaasartaasa qaffanneqarnissaannik kiisalu ilinniagaqarnermi taarsigassarsiat ukiup affakkuutaartumik tunniunneqartartut qaammatikkaartunngortinneqarnissaat pillugu Naalakkersuisut pisussaaffilerneqarnissaannik Inatsisartut aalajangiinissaannik siunnersuut.
(Inatsisartunut ilaasortat Knud Kristiansen aammalu Siverth K. Heilmann, Atassut)

Akissuteqaat

(Ilinniartitaanermit Ilisimatusarnermit Nunanullu Avannarlernut Naalakkersuisoq)

Siullermeerinnineq

Naalakkersuisut aalajangiiffigisassatut siunnersuuteqartut qutsavigaat.

Ilumoorluinnarpoq nunatta siunissaanut ilinniagaqarsimaneq pingaaruteqarluinnartuumat. Naalakkersuisut isumaqatigaattaaq ilinniartut ilinniarnermi atugassaqartinneqarnerat aamma pingaaruteqarluinnartuusoq, taamaattumik Naalakkersuisut ilinniartitaanermit tunngasuteqartut politikikkut sulinermit pingaartilluinnagaraat .

Naalakkersuisut ilinniagaqarnermi pillugit aalajangersakkanik nutarterineq ingerlassimavaat, taassumalu kingunerisaanik Inatsisartut uani katersuunneranni Inatsisissamik siunnersuuteqarlutik. Inatsisissatut siunnersuutip akuerineqareerneratigut ilinniagaqarnermi pillugit nalunaarutissaq nutaaq suliarineqarluni aallartinneqassaaq.

Nalunaarutissami Naalakkersuisut ilinniartut siunnersuutaat aningaasatigullu atorniarsinnaanerup eqaanagerunngortinnissaanut kissaatigisaat tusaaniarsimavaat. Taamaammatt Naalakkersuisut semesterikkaartumik aningaasat atukkiunneqartartut, ilinniartunit ataasiakkaanik atorniarsuttunit qaammatikkaartumik atorniarneqarsinnaangornissaat pilersaarutigaat. Taakku saniatigut atuagarsiniarnermit angalanermullu tapiissutit kingumut atuutitiginnissaat pilersaarutigaat. Tamakku aalajangersulerpata ilinniartut peqatigiiffii allallu tamakkununga nalunnginnittut qanimut suleqatigiumaneqarumaarput.

Aningaasat atorniarneqarsinnaasut qanoq annertutigissanersut siunnersuutillit erseqqissumik aalajangiussisimangillat, semesterikkaartumilli ataasiaannarluni atorniarneqarsinnaasut pillugit assersuusiorsimallutik aningaasaqarnikkullu qanoq taassuma kingornatigut inissisimalernissaq pillugu allaaserinnissimallutik.

Soorlu siuliatigut taaneqareersoq ilinniagaqarnermi tunngasumik sammineqartussami Naalakkersuisut siunnersuuteqarput. Inatsisissatut siunnersuumi nutaartaasussaavoq, Naalakkersuisut ilinniartut kattuffii isumasioerlugit stipendiat aningaasallu atorniarneqarsinnaasut annertussusissaat, meeqqanut tapit ikaarsaarnermilu periarfissat allatigullu pisariaqartitsineq tunngavigalugu tunniunneqarsinnaasunut aalajangersaasinnaannissaat.

Inatsisartut ilinniagarnersiutit pillugit peqqussutaat atuuttoq (Ilinniagaqarnersiutit pillugit Inatsisartut peqqussutaat nr. 5, 14. november 2004-meersoq) naapertorlugu stipendiat aningaasallu atorniarneqarsinnaasut annertussusaat, ikaarsaarnermilu periarfissat allatigullu pisariatitsineq tunngavigalugu tunniunneqarsinnaasunut tunngavissatut maleruagassat aningaasanut inatsimmi aalajangersarneqassapput, tamannalu Naalackersuisut ilinniartullu kattuffiisa sioqqutsisumik isumaqatigiinniareernerisigut pisassaaq. Naalackersuisut 2012-mut aningaasanut inatsisissatut siunnersuutaani aningaasat atorniarneqarsinnaasut qaffanneqarsinnaarat tulleriiarinermi inissaqartissinnaasimanngilaat. Taaneqareersutulli atorneqarsinnaasut annertussusaanik allannguisoqassappat Inatsisartut aalajangertussaavaat.

Qulaannili taaneqareersumi Naalackersuisut ilinniartunut semesterikkaartumik aningaasanik atukkiunneqartartunik qaammatikkaartumik atukkiunneqarsinnaangortitsiniarlutik pilersaaruteqaramik, siunnersuutip akuerineqannginnissaa Naalackersuisut innersuussutigaa.